

REGLUGERÐ

um (11.) breytingu á reglugerð nr. 907/2014 um gildistöku reglugerðar framkvæmdastjórnarinnar (ESB) nr. 206/2010 um skrár yfir þriðju lönd, yfirráðasvæði eða hluta þeirra, þaðan sem leyfður er aðflutningur á tilteknum dýrum og nýju kjöti til Evrópusambandsins, og um kröfur varðandi heilbrigðisvottorð fyrir dýr og dýraafurðir.

1. gr.

Við 1. gr. reglugerðarinnar bætist nýr töluliður, 28. tölul., svohljóðandi:

28. Framkvæmdarreglugerð framkvæmdastjórnarinnar (ESB) 2020/2204 frá 22. desember 2020 um breytingu á I. og II. viðauka við reglugerð (ESB) nr. 206/2010 að því er varðar færslurnar fyrir Breska konungsríkið og hjálendur krúnunnar í skránum yfir þriðju lönd, yfirráðasvæði eða hluta þeirra þaðan sem leyfður er aðflutningur á tilteknum dýrum og nýju kjöti til Sambandsins.

2. gr.

Framkvæmdarreglugerð framkvæmdastjórnarinnar (ESB) 2020/2204, sem nefnd er í 1. gr., er birt sem fylgiskjal við reglugerð þessa.

3. gr.

Reglugerð þessi er sett með heimild í lögum nr. 93/1995, um matvæli, lögum nr. 54/1990, um innflutning dýra og lögum nr. 25/1993, um dýrasjúkdóma og varnir gegn þeim, öll með síðari breytingum.

Reglugerðin öðlast þegar gildi.

Atvinnuvega- og nýsköpunarráðuneytinu, 7. janúar 2021.

Kristján Þór Júlíusson
sjávarútvegs- og landbúnaðarráðherra.

Iðunn Guðjónsdóttir.

Fylgiskjal.**FRAMKVÆMDARREGLUGERÐ FRAMKVÆMDASTJÓRNARINNAR (ESB) 2020/2204**

frá 22. desember 2020

um breytingu á I. og II. viðauka við reglugerð (ESB) nr. 206/2010 að því er varðar færslurnar fyrir Breska konungsríkið og hjálendur krúnunnar í skránum yfir þriðju lönd, yfirráðasvæði eða hluta þeirra þáðan sem leyfður er aðflutningur á tilteknum dýrum og nýju kjöti til Sambandsins

(Texti sem varðar EES)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun ráðsins 92/65/EBE frá 13. júlí 1992 um dýraheilbrigðiskröfur varðandi viðskipti innan Bandalagsins og innflutning til Bandalagsins á dýrum, sæði, eggfrumum og fósturvísam sem dýraheilbrigðiskröfur í sérreglum Bandalagsins er um getur í I. hluta viðauka A við tilskipun 90/425/EBE gilda ekki um ⁽¹⁾, einkum a-lið 3. mgr. 17. gr. og fyrstu undirgrein c-liðar 3. mgr. 17. gr.,með hliðsjón af tilskipun ráðsins 2002/99/EB frá 16. desember 2002 um heilbrigðisreglur um framleiðslu, vinnslu, dreifingu og aðflutning á afurðum úr dýraríkinu til mannelis ⁽²⁾, einkum inngangsorðum og 1. og 4. lið 8. gr. og inngangsorðum og c-lið 4. mgr. 9. gr.,með hliðsjón af tilskipun ráðsins 2004/68/EB frá 26. apríl 2004 um reglur um heilbrigði dýra vegna innflutnings og umflutnings tiltekinna hóf- og klaufdýra á fæti í Bandalaginu, breytingu á tilskipunum 90/426/EBE og 92/65/EBE og niðurfellingu á tilskipun 72/462/EBE ⁽³⁾, einkum fyrstu og annarri undirgrein 1. mgr. 3. gr. og fyrstu undirgrein 1. mgr. 6. gr.,

og að teknu tilliti til eftirfarandi:

- 1) Í reglugerð framkvæmdastjórnarinnar (ESB) nr. 206/2010 ⁽⁴⁾ er mælt fyrir um skrár yfir þriðju lönd, yfirráðasvæði eða hluta þeirra, þáðan sem leyfður er aðflutningur á tilteknum dýrum og nýju kjöti til Sambandsins, og um kröfur varðandi heilbrigðisvottorð fyrir dýr og dýraafurðir. Þar er kveðið á um að einungis megi flytja sendingar af hóf- og klaufdýrum og nýju kjöti af þessum dýrum, sem er ætlað til mannelis, inn í Sambandið frá þriðju löndum sem uppfylla skilyrðin sem mælt er fyrir um í þeirri reglugerð. Nánar tiltekið eru í 1. hluta I. viðauka við reglugerð (ESB) nr. 206/2010 talin upp þau þriðju lönd, yfirráðasvæði og hlutar þeirra þáðan sem leyfður er aðflutningur á sendingum af hóf- og klaufdýrum, öðrum en dýrum af hestaætt, inn í Sambandið og í 1. hluta II. viðauka við hana eru talin upp þau þriðju lönd, yfirráðasvæði eða hlutar þeirra þáðan sem leyfður er aðflutningur á sendingum af nýju kjöti af hóf- og klaufdýrum, þ.m.t. dýr af hestaætt, inn í Sambandið.
- 2) Breska konungsríkið hefur lagt fram nauðsynlegar ábyrgðir, sem krafist er samkvæmt reglugerð (ESB) nr. 206/2010, til þess að Breska konungsríkið og hjálendur krúnunnar Guernsey, Mön og Jersey verði færð á skrá í 1. hluta I. viðauka við reglugerð (ESB) nr. 206/2010 og í 1. hluta II. viðauka við hana eftir að aðlögunartímabilinu, sem kveðið er á um í samningnum um útgöngu Sameinaða konungsríkisins Stóra-Bretlands og Norður-Írlands úr Evrópusambandinu og Kjarnorkubandalagi Evrópu („útgöngusamningurinn“), lýkur, með fyrirvara um beitingu laga Sambandsins um og innan Breska konungsríkisins að því er varðar Norður-Írland, í samræmi við 4. mgr. 5. gr. bókunarinnar um Írland/Norður-Írland við útgöngusamninginn, í tengslum við 2. viðauka við þá bókun. Að teknu tilliti til þeirra ábyrgða sem Breska konungsríkið lét í té ætti að færa viðkomandi þriðja land og hjálendur krúnunnar á skrá í 1. hluta I. viðauka við reglugerð (ESB) nr. 206/2010 og í 1. hluta II. viðauka við hana.
- 3) Í samræmi við heilbrigðiskröfur við innflutning, sem mælt er fyrir um í 2. mgr. 13. gr. framkvæmdarreglugerðar framkvæmdastjórnarinnar (ESB) 2015/1375 ⁽⁵⁾, er þriðja landi einungis heimilt að beita undanþágum frá trikinuprófunum, sem kveðið er á um í 2. og 3. mgr. 3. gr. þeirrar reglugerðar, ef það hefur tilkynnt framkvæmdastjórninni um beitingu þessara undanþága og ef það er skráð í þeim tilgangi, m.a. í viðkomandi viðaukum við reglugerð (ESB) nr. 206/2010. Hinn 4. desember 2020 upplýsti Breska konungsríkið framkvæmdastjórnina um þá fyrirætlan sína að beita undanþágum frá trikinuprófunum fyrir alisvín, sem eru enn á spena og yngri en 5 vikna gömul, í samræmi við 2. mgr. 3. gr. framkvæmdarreglugerðar (ESB) 2015/1375. Af þeim sökum ætti að skrá Breska konungsríkið í 1. hluta I. viðauka við reglugerð (ESB) nr. 206/2010 sem þriðja land sem beitir slíkri undanþágu varðandi tiltekin lifandi svín og kjöt af þeim. Breska konungsríkið er, enn sem komið er, eina þriðja landið sem farið hefur fram á undanþágu frá trikinuprófunum.
- 4) Því ætti að breyta I. og II. viðauka við reglugerð (ESB) nr. 206/2010 til samræmis við það.
- 5) Þar eð aðlögunartímabilinu, sem kveðið er á um í útgöngusamningnum, lýkur 31. desember 2020 ætti þessi reglugerð að koma til framkvæmda frá og með 1. janúar 2021.
- 6) Ráðstafanimar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

SAMÞYKKT REGLUGERÐ ÞESSA:

1. gr.

Ákvæðum I. og II. viðauka við reglugerð (ESB) nr. 206/2010 er breytt í samræmi við viðaukann við þessa reglugerð.

2. gr.

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

Hún kemur til framkvæmda frá og með 1. janúar 2021.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 22. desember 2020.

*Fyrir hönd framkvæmdastjórnarinnar,
forseti.*

Ursula VON DER LEYEN

(¹) Stjtið. EB L 268, 14.9.1992, bls. 54.

(²) Stjtið. EB L 18, 23.1.2003, bls. 11.

(³) Stjtið. ESB L 139, 30.4.2004, bls. 320.

(⁴) Reglugerð framkvæmdastjórnarinnar (ESB) nr. 206/2010 frá 12. mars 2010 um skrár yfir þriðju lönd, yfirráðasvæði eða hluta þeirra, þaðan sem leyfður er aðflutningur á tilteknum dýrum og nýju kjöti til Evrópusambandsins, og um kröfur varðandi heilbrigðisvottorð fyrir dýr og dýraafurðir (Stjtið. ESB L 73, 20.3.2010, bls. 1).

(⁵) Framkvæmdarreglugerð framkvæmdastjórnarinnar (ESB) 2015/1375 frá 10. ágúst 2015 um sértækar reglur um opinbert eftirlit með tríkini í kjöti (Stjtið. ESB L 212, 11.8.2015, bls. 7).

VIÐAUKI

Ákvæðum I. og II. viðauka við reglugerð (ESB) nr. 206/2010 er breytt sem hér segir:

1) Ákvæðum 1. hluta I. viðauka er breytt sem hér segir:

a) Eftirfarandi færslum fyrir Breska konungsríkið og Guernsey er bætt við á eftir færslunni fyrir Chile (Síle):

„GB-Breska konungsríkið (*****)“	GB-0	Landið allt			
	GB-1	England og Wales	BOV-X, BOV-Y, OVI-X, OVI-Y, POR-X, POR-Y, RUM, SUI		III, IVa, V, IX, XI
	GB-2	Skotland	BOV-X, BOV-Y, OVI-X, OVI-Y, POR-X, POR-Y, RUM, SUI		II, III, IVa, V, IX, XI
GG-Guernsey	GG-0	Landið allt	BOV-X, OVI-X, POR-X RUM		V, IX“

b) Eftirfarandi færslu fyrir Mön er bætt við á eftir færslunni fyrir Grænland:

„IM-Mön“	IM-0	Landið allt	BOV-X, BOV-Y, OVI-X, OVI-Y		II, III, IVa, V, IX“
----------	------	-------------	----------------------------	--	----------------------

c) Eftirfarandi færslu fyrir Jersey er bætt við á eftir færslunni fyrir Ísland:

„JE-Jersey“	JE-0	Landið allt	BOV-X, BOV-Y		IVa“
-------------	------	-------------	--------------	--	------

d) Í stað sérstaka skilyrðisins „XI“ kemur eftirfarandi:

„,XI“: alisvín, sem eru enn á spena og yngri en 5 vikna gömul, eru undanþegin tríkínuprófunum.“

e) Eftirfarandi athugasemd er bætt við varðandi færsluna fyrir Breska konungsríkið:

„(*****) Í samræmi við samninginn um útgöngu Sameinaða konungsríkisins Stóra-Bretlands og Norður-Írlands úr Evrópusambandinu og Kjarnorkubandalagi Evrópu, einkum 4. mgr. 5. gr. bókunarinnar um Írland/Norður-Írland í tengslum við 2. viðauka við þá bókun, taka vísanir til Breska konungsríkisins, að því er þennan viðauka varðar, ekki til Norður-Írlands.“

2) Ákvæðum II. viðauka er breytt sem hér segir:

a) Ákvæðum 1. hluta er breytt sem hér segir:

i. Eftirfarandi færslum er bætt við á eftir færslunni fyrir Falklandseyjar:

„GB- Breska konungsríkið (***)	GB-0	Landið allt	BOV, OVI, POR, EQU, RUF, RUW, SUF, SUW	K			
GG-Guernsey	GG-0	Landið allt“					

ii. Eftirfarandi færslu er bætt við á eftir færslunni fyrir Ísrael:

„IM-Mön	IM-0	Landið allt	BOV, OVI, POR“				
---------	------	-------------	----------------	--	--	--	--

iii. Eftirfarandi færslu er bætt við á eftir færslunni fyrir Ísland:

„JE-Jersey	JE-0	Landið allt“					
------------	------	--------------	--	--	--	--	--

iv. Eftirfarandi athugasemd er bætt við varðandi færsluna fyrir Breska konungsríkið:

„(***) Í samræmi við samninginn um útgöngu Sameinaða konungsríkisins Stóra-Bretlands og Norður-Írlands úr Evrópusambandinu og Kjörnorkubandalagi Evrópu, einkum 4. mgr. 5. gr. bókunarinnar um Írland/Norður-Írland í tengslum við 2. viðauka við þá bókun, taka vísanir til Breska konungsríkisins, að því er þennan viðauka varðar, ekki til Norður-Írlands.“

b) Í stað „K“ liðar í viðbótarábyrgðunum í 2. hluta kemur eftirfarandi:

„„K“: alisvín, sem eru enn á spena og yngri en 5 vikna gömul, eru undanþegin tríkínuprófunum.“